

2^r

Vorred zûm Lefer.

ES ift ein groffe fach/ vnd die man zû allen ftunden vñ wünfchen begert/ die volkomne feligkait/ dann dahien ftrecken fich alle begirden der menfchen/ dweil fie ift ein end aller forgen/ ein gantze fuñ aller ding die mann begert/ durch die feligkait enden fich vnfer begirden/ dan bei welchem die feligkait ift/ dem mangelt gar nichts. Mann findet lewt die begerē weder gewalt noch reich zûbefitzen/ aber der die feligkait nit beger ift keyner/ dweil jd^oman felig wil fein/ vnd fagent/ Seligkait fei das höchfte gût. Derhalbē fo wôlen wir jtzunt/ von der menfchlichen feligkeit fagen/ vnd vil fchöner fententz auß den philofophen zûfamen tragē/ luftig vnd kurtzweilig zûlefen.

Dweil aber nun die red wirt fein von der feligkait/ fo wôlen wir von erften befchreiben was die feligkait fei/ vnnd befchreibt die feligkait Auguftinus alfo/ Die feligkait ift eyn vôle aller ding die zûbegeren feint/ Oder aber wie Boetius fagt/ Die feligkait ift ein ftandt/ darinn volkômenlich verfamlet feint alle gûter? Vñ Ariftoteles befchreibt fie j. Eth. alfo/ Die feligkait ift das end der ding die wir begeren/ dan andere ding werden begert von wegen der feligkait/ die feligkait aber von ihr felbft wegen.

Nun in diefer feligkait/ welchs die felbig fei/ ift man zwitrechtig/ vnd feint das gemein volck fampt den philofophis darinnen nit eins/ auch die Philofophi vnder ihnen felbft nit/ dann als fie difputiren vom end der gûten vnnd böfen/ bringen fie mancherhand opinion herfür/ vnd maint ein jglicher die fein fei die befte.

2^v

Vorred

Vnder denen feint ettlich die fagē/ Es fei nichts gūt dañ
der wolluft/ wie die Epicurei/ Die anndern/ Es fei nichts
gūt/ dann was ehrlich/ als die Stoici.

Hieronymus fagt die höchfte feligkeit fein/ ein leben on
fchmertzen.

Carneades Academicus fchetzet die höchfte feligkeit fein.
die gaben der natur/ das ift/ gefundtheyt/ fterck/ fchöne/ vñ
der gleichen gaben deß leibs mer.

Dinomachus vnd Calipho haben den wolluft mit der tu
get gefagt fein die höchfte feligkeit.

Diodorus hat mit der tuget ein lebē on fchmertzen gehal-
ten das höchfte gūt fein.

Ettliche in ehr/ ettlich in reichthumb/ ettlich in gewalt/
ettlich in muffigganck/ vnd ihr nit ein wenig inns bewrifch
leben/ das ift/ meierfchafft gefetzt haben die höchfte felig-
hait.

Die Platonici aber vñnd Aretotelici/ die fürnembften
vnder den Philofophis/ haben dreierlei güter zufamen ge-
fetzt/ da durch die feligkeit volkōmen werd/ die güter deß ge-
müts/ als tugenten/ Die güter deß leibs/ als fterck/ gefundt
hey/ fchöne ꝛc. Die güter deß glücks/ als reichthumb vñnd
ehren.

Aber die heyligen lerer fagen/ die höchfte feligkeit fei das
ewig leben/ vnd das höchft vbel die ewige verdamnuß.
Aber wir wōllen jtztunt von der feligkeit hie auff erden dif-
putiren/ welche doch auch/ wie Ariftoteles fagt/ ein gab der
Götter ift/ zū welcher alle menfchen begeren zūkūmen/ aber
doch auff mancherley weg/ Vnd wie wol es viel auch zwit-
rechtige mainungen darinnen/ fo haben fie doch zūgleich
geftrichen zūm höchften gūt.

Nun

3^r

Nun wollen wir sehen was auß denen das warhaftigst
fei.